

FIRST ZO CHRISTIAN CHURCH HONNA

-leh-

WORLD COMMUNION SUNDAY NIPI

October 3, 2010

Thupi: Khrist ah Pumkhat I Hi

Thumapui

Tuni I kipawl ton uh nuom sam e! Lapite 118:24 naah, "Tuni khu Mangpa bawl sa ni a hi; nuom in lungdam va ui" a ci hi. Tua mabangin ei zong lungdam in kipah va ui. Mangpa hoina jiehin tuni hun ah First Zo Christian Church kothonna Rev. Richard Branaman In a nei a; First Christian Church of Atlanta toh kithuo a tam bang sil hing om a hi hi. Mangpan ei ompi hi ci I thei ua, tuajiehin I nuom tadih u hi, Pasien min phat in om ta hen.

Mangpa Kuut in thungen vai:

Maranatha, Mangpa Jesu, hing pei in, Amen.

Cielna

Biehin kikhen ciengin First Christian Church of Atlanta te (Mang Kang te) leh First Zo Christian Church (Zo te) ann tawi khawm a lang a langah Fellowship Hall ah na kilui va. Dei dandan la unlen, sabuoi kimkot ah to in, mitha lawmlehguol toh to khawmin, anneh toh thuo in holimna I nei ding u hi. Tuniin, Mangpa eite ei ompina thu a ciem zo hi. No zosie in a aw na jah ciet uh ka lamem hi, nuom ingh.

Ngaituo Ding

Tuni World Communion Sunday leh First Zo Christian Church Hattuum lop toh I thuo ni a I ngaituo ton ding uh a hileh: "Amauh Pumkhat A Hitheina Ding Un" Ci a hi hi.

Ka pu Helzalian in tahsa si nua cieng a hinkhuo dang khat I nei ding ana gingta a, hinkhuo a kia pen cieng a letsong leh manglukhu zong tu hinkhuo a thalaw thei a hi hi, ana ci hi. A upna a gamtatpi a mihing lu nga ana aai hi. Ka pa in Jesu Khrist a Tanpa a a saan zo 1949 kumin Pawtdohna Laisiengtho 20 na thu ana sim a: "Keima a engsie Pasien ka hi a, a pa tawnkhielna a tu a ta khang khang thum khang lina dong ah keima ei mudate helbawl vang in, hinanlezhong keima ei it a ka thupieh sangte tungah khang tul tul dongin ka itna ka ensah ding hi."

Tuabepin a pa gamtat huosie sa in khotheilo in a om law a, muol lamte in a bupsi den hi. Ang khahlaw bepin thu a ngen a, “Lungsiet siem Mangpa aw, ka pa tawnkhelna phuba ka tungah la inlen, ka tate na nasem dingin lha ta in,”ciin a puapi kia hi. Khum hun apatin a damsung a Mangpa nasem dingin a kipekhie a, India ah a kinaipi teng kungah Pasien thu gen in, Kawl gam ah a pem a, khunah kum 40 sung Pasien na semin kum 2001 kumin Nagkateih ah ei khawldam san ta hi. Aman thu khat ei nuasie a, “Ka phusa singkung khu tui hing buoh in,” a ci hi.

Hamsatna

Teng za leh sawmnga a sim Zo tate pen Europe gam leh Asia gam mun tuom tuomah kithejah in I pem mang sieng ua. A tam jaw a hileh Kawl gam ah om denin, galkap kumpi bawlsietna thuoh denin a om u hi. Tam galkap kumpi in Kawl ham pen kumpi hamin a bawl ua, a lawcing u hi. Tua mabangin Buddha biehnna pen kumpi biehnna a bawl tumin a hanciem hi. Hinanlezong Amerika pana hing kuon sangmangte nasep ga jiehin mi tam pi Khristian ana ki om zo hi. Tua tana zong Kawl kumpi in Buddha biehnna biehsah dan ding a hanciem vevaw nalai u hi. Etsahnan, galkap thau tawi khat, Buddha biehnna jui ta vang ci leh, a theina leh a citna ki en lo, galkap bu lienpi khat kipe thei kon, ci bang a hi hi.

Tam bang kawm kalah mite tankhe dingin Amerika kumpi in U.N. tungtawn in kot lientah in a hong a. Mi tampi state tuom tuom ah ang tung u hi. Amauh pen galkap kumpi bawlsietna pana suohta a hita u hi. A banah ham leh biehnna hagaulam thu a amauh a kihabawl a ngai nalai hi.

Bawl Dan Ding

Paul in a sahtheih a tapa, Timothi kungah ana gen a, Khantan Hoi thupha tangko khu bawl tuoh pen, gimpi tuoh pen a hi hi, a ci hi. Khantan Hoi thu toh kisai a jauna ding leh gimthuoh ding kizumpi ding a hi sih hi. Leitung a minnei leh silbawlthei a numei a pasal in sil thupi puohkhiehna dingin gimthuoh khawh a sa sih u hi. Tua hitaleh Khrist ah bang bawl thei I nei ei? Mite hinna in hutdamna(gupna) a nga thei na ding u leh a hagau un Van Gam hinkhuo toh kilem hinna a nei denna ding uh eite mawpuohna a hi hi.

Clarkston khuo a om Zote in First Christian Church of Atlanta ah ko zong bieh kikhopna mun ding mun tanzau khat ei guon unlen, mailam a zong kipawlkhawm vaiin, Pasien Gam khanletna ding vai ah sem khawm va ui ci ngetna a kibawl hi. Khum pen a manlang theiin Christian Church of Atlanta lamkaite panin dawnna a kinga a, a kismte hu dingin itna toh sang in, zintun paikhai leh lametna nei dingin ka hing sang u hi, ci thu a kimu hi. Tam pen Mangpa Jesu thunget, “Amauh pumkhat a hithei na ding un.” A ci a thunget a tangtunna a hileh, Macieng suonin kalsuon Khawm, ci pen I dinmun leh I kalsuon dan ding a hing hi ta hi.

Tam hattuom in Zo te sang in Pasien in amauh ana kepsah neitah inn leh lo zangсах in Pasien nasep khawmpi ding leh kalsuonpi dingin a sang ua. Khum pen Georgia gamkai vaihawmna in

zong deisahna kamteng toh First Zo Christian Church hattuom a a din patna thu gamkai vaihawmna February 27, 2010 in theipina a bawl hi.

Nasep

Kalsang kisuon pan a hita. First Zo Christian Church mite in hatangpi a Mang kam sin ding kizam a hi hi. Mang Kam a mi toh ang kiho thei cieng un nasep sum suina ding kizen jaw zong ang mukhieh thei uh lamet a huoi hi. Khangno ngahnu, tangval ten zong tumging lam sin nuom mama in, amauh ngel zong aw toh lasah a Pasien min pahtawi pen a bawl thei lamtah uh a hi hi. Tumging lam vanzah hiin aw thujaw dan hileh a sin nopna uh picin thei dingin pan lah a ngai hi. Tualeh FZCC lamkaite zong innsap ding mun kizen jaw, damthei huoi jaw mun, moto tahsap ni cienga zong keng a biehnin zot theina ding mun lemtang a sui a bangma a om thei nai sih a, a sui san laitah uh a hi hi.

Tualeh FZCC in Zo te ten tonna Amerika heisung khuo a zong hattuom kipfut leh ci a thungetna uh a hi hi. Christian Church (Disciples of Christ) penin koizong Khrist a ginna nei, khiel kisia mi; a hinna a Khrist Jesu sang a lalut zosie a sang hi. Tualeh Zo ten tahsa thu a a tulmaw uh a hileh kumpi apat huna, zato kaipi ding Medicaid, nauneina lam, sienthona leh damtheina lam, gamsung mi hiina vai toh kisai, tam zosie sainaa hamle pieh ding cite zosie a hi hi.

Thujawna

Tam tahsa leh hagaulam sil a tulmaw zosie sep picin theina ding a hutheina pen lampi a hileh thungetnaa nei na phaw ding uh ka hing ngen u hi. First Christian Church Atlanta leh First Zo Christian Church ma cieng suonin kalsuon khawm ci pen Jesu in, "Amauh pumkhat a hithei na ding un" ci a thunget tangtunna a hi hi. Mangpan eite ei hopina thu a hileh First Christian Church of Atlanta te toh kithuo in First Zo Christian Church mite Khrist toh a kizom pan ta a, Zo lui a bei kuon a hita a, ngai vawi, Zo tha ang kilang pan ta hi, (2 Kor 5:17) ci a hi. Hagaulam leh tahsalam silte sep picin theina dingin Mangpa Jesu Khrist Hagau in ei ompid den ta hen, Amen.